



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

2. Commemoratio omnium Fidelium defunctorum

[urn:nbn:de:hbz:466:1-52716](#)

II. Novembr. Commem. Defunct. Fid. 609
state æternum gloriae pondus operatur in
nobis. 2. Cor. 4.

Instructio meritoria.

Proin terreamur nunquam, dum ma-
la patimur hujus malignantis sæculi. Erat
his quoque finis. *Non hic quæramus*
quod nullus Sanctorum obtinuit, immo quod
neque Christus invenit. Eus. Emiss. Pro
expeditâ imitatione Sanctorum unum S.
Rosarium jungamus ordinario cum illa
Collecta ad Laudes ex Cursu Mariano :
Sancti Dei omnes! Intercedere dignemini
pro nostra, omniumque salute. ¶ Læ-
tamini &c. cum reliquis. *Sanctorum fi-*
des nos servat. S. Ambros.

Commemoratio omnium De-
functorum Fidelium in Domino
obdormientium.

EXHORTATIUNCULA I.

COnquesti sunt quondam dæmones,
quod Cluniacenses famuli Deo ad-
dictissimi, suis precibüs animas extrahe-
rent plurimas ex ignibus, & purgatorii
tormentis. Inferis hos augeamus do-
lores, fili mi? Quomodo? Quotidiana

Cc 5 cha-



610 II. Novembr. Commem. Defunct. Fid.
charitate, misericordiâ. *Filioli!* rogat
nomine Jesu S. Joannes : *Non diliga-*
mus verbo, & lingua, sed opere, & ve-
ritate. Probatio enim dilectionis est
exhibitio operis. S. Greg.

Instructio meritoria.

Ideò & à nobis instituenda amoris ex-
hibitio per octo dies integros, adeò , ut
nulla transeat dies sine fraterna charitate,
& clementia. Quotidie ergo aut Vespe-
ras recitemus ex officio defunctorum,
aut aliud opus bonum , maximè supra
mensam exerceamus, memores : *Efuri-*
vi, & dedistis mihi comedere : Sitivi
& dedistis mihi bibere.

II.

VAlde gratum est Deo (sic revelatio-
nes Gertrudianæ) ut animas ele-
ctorum suorum orationibûs , jejuniis,
eleemosynis , missis , aliisque exercitiis
à flammis , & purgatoriis liberemus sup-
pliciis. Dilecte ! scimus , quid debea-
mus Deo ? Reddamus, & præstemus hoc
complacentiæ obsequium. Majora me-
ruit.

In.



Instructio meritoria.

Verum & majora obtulerimus, si nostra omnia pietatis opera per Dei gratiam hodie exercenda animabus in purgatorio ingemiscientibus charitativè applicaverimus, nobis prorsus nihil reservandum. Non perditur, quidquid dilectis, & à Christo tam preciosè redemptis sponsibus impenditur. Accedamus cœmeterium, & visitando defunctos, consolemur eos Psalmô *Miserere*, & *De Profundis*. Si defecerit aqua lustralis, provideamus. Quot guttæ, tot gradus gratiæ.

III.

Mirabile Mariæ testimonium. Sic hæc ad S. Birgittam : *Omnes pœnae, quæ debentur purgandis pro peccatis eorum per preces meas in qualibet horâ aliquo modo mitigantur.* Maria succurrere vult, sed non nisi rogata. Chare fili! Accedamus, ut piæ salventur animæ. *Dedit Mariam Deus hominibus, & naturæ nostræ in reparationem; inferiori creaturæ in liberationem; sibi in Matrem; dæmonibus in hostem; deten-*

Cc 6 tis

612 II. Novembr. Commem. Defunct. Fid.
eis in limbo in reparationem. B. Petr.
Dam. O gaudium! Utamur, ut & talem
Assistricem experiamur in pari necessi-
tate.

Instructio meritoria.

Dilectissime! potestne de nobis dici,
quod de primigeniis Christianis? *Vide,*
ut invicem se diligant, ut & pro alterutro
mori sint parati. Tertull. Tanta non pe-
tit amor defunctorum. Paucioribus
contentantur, si constanter, si ardenter
peragantur. Nos in solarium omnium
fidelium defunctorum pro opportunita-
te temporis tria S. Rosaria persolvamus
de quinque Mysteriis dolorosis, & loco:
Sancta Maria ora pro nobis, inferamus:
Sancta Maria ora pro eis. In fine ali-
quoties exosculemur terram cum gemi-
tu: *Surgite mortui! Venite! Accipite co-*
ronam, quam vobis Dominus præparavit
in æternum.

Fe-

